



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Nucleus Casuum Conscientiæ Sive Brevis Notitia Eorum
quæ scitu vel necessaria, vel valde vtilia sunt
Confessarijs in primo ingressu ad audiendas Confessiones**

Agostini, Giuseppe

Coloniae Agripp., 1644

De 3. Præcepto Decal.

urn:nbn:de:hbz:466:1-41767

DE III. PRÆCEPTO Decalogi.

Sanctificandi dies Festos.

Aliqui dies festi dicuntur esse sub præcepto: ut omnes dies Domini, & alij plures: in quibus, ex hoc præcepto: tenentur Christiani ad duo ex necessitate: nempe ad Sacrum audiendum, & ad cessandum ab operibus seruilibus.

1. Circa primum nihil est addendum ad id, quod diximus in primo præcepto Ecclesiæ.

3. Circa secundum abstinendum est ab operibus seruilibus à media nocte ad mediam noctem sequentem. Dicuntur autem opera seruilia communiter opera artium mechanicarum. Item abstinendum est ab operibus prohibitis ab Ecclesia, etiam si non sint seruilia, ut infra.

4. Studere, scribere, aut transcribere, docere, designare, & delineare, venari, piscare, ludere, iter agere, cantare, & sonare, publicæ nundinæ,
K 2 etiam

etiam si omnia hæc fiant ex pretio aliquo, non sunt prohibita.

5. Prohibentur tamen strepitus iudiciales, & curiales, etiam si non sint opera seruilia: nec potest in diebus festis ferri sententia iudicis, nec testes examinari, & similia, nisi adsit Priuilegium pro rusticis.

6. Pingere communiter censetur esse prohibitum: emere necessaria ad quotidianum victum, sicuti, & vendere priuarim, non est prohibitum; ornare templa, vel verrere, vel alia facere ad diuinitum cultum; quæ non possunt fieri saltem commodè antecedenti die; non est prohibitum.

7. Transferre merces, & onera de uno loco in alium extra necessitatem; non licet, inchoando iter in die festo: si tamen festum incidat post iter inchoatum; possunt muliones prosequi suum iter. *Sancti. loc. cit. dub. 7.* Coquere cibos, parare mensas, & alia necessaria facere ad quotidianum victum; licet. Quæ tamen pridie festi fieri possunt, & solent, ut coquere panes; non licet facere in die festo, nisi necessitas aliud postulet, aut parui-

paruitas materiæ. Lege Sanchez locis citatis.

8. Potest esse veniale cōtra hoc Præceptum, si materia sit leuis, & absit contemptus. Censetur autem leuis materia non excedere duas horas toto die festo laborando, &c.

9. Excusat ab obseruatione huius præcepti necessitas, siue corporalis, siue spiritualis, siue proptia, siue aliena, cui aliter subueniri non potest iudicio Prudentis: aut etiam licentia Episcopi: aut rationabilis, seu recepta consuetudo in aliqua re.

10. Quamuis peccare mortaliter in diebus festis, & præsertim solemnioribus, aut in triduo Passionis, possit esse circumstantia aggrauans; non tamen est mutans speciem, nec necessario confitenda, nisi fieret ex contemptu: nam peccatum non est propriè opus seruile, sed metaphoricè. Sanchez tom. 2. lib. 5. consil. cap. 2. dub. 3. Addi etiam potest tēpus diei festi non esse sacrum per aliquā consecrationem receptam in ipso, sicuti est sacra Ecclesia, vel p̄sona Sacerdotis, &c. quorum violatio est Sacrilegiū:

K 3

sed

sed solum per aliquam denominationem extrinsecam, aut coexistentiam ad res sacras, quas Christianus tenetur in die festo exercere: & ita non est eadem ratio.

11. Circa hoc præceptum potest dispensare Episcopus respectu huius, vel illius sibi subditi: & Superiores Religionum respectu suorum subditorum ad quod non est necessaria euidens causa, sed sufficit probabilis, aut etiam dubia.

12. Præterea ex consilio, & concordia debent Christiani diebus festis maximè vacare rebus spiritualibus, & Verbo Dei. De sanctificatione dierum festorum agunt *Suar. de Relig. tom. 1. lib. 2. Azor. tom. 2. lib. 1. Filliac. tom. 1. tract. 17. Tolèz. lib. 4. cap. 24.*

DE IV. PRÆCEPTO Decalogi.

Honorandi Parentes.

Filij tenentur sub mortali subuenire parentibus in graui, aut extrema necessitate corporali, aut spirituali
quan